

描写元宵的古诗

1.
夸豪斗彩连仙馆，坠翠遗珠满帝城。一派笑声和吹鼓，六街灯火庆升平。
。——朱淑贞《元夜》
2.
花市银灯夜向深，香风罗绮迥沈沈。不知何处笙歌起，传得新愁上客心。
。——赵迪《客中元夕》
3.
烟火笙歌是处休，沉沉春雨暗皇州。危楼十二阑干曲，一曲阑干一曲愁。
。——朱淑真《元夜遇雨》
4.
贵客钩帘看御街，市中珍品一时来。帘前花架无行路，不得金钱不肯回。
。——姜白石《观灯口号》
5.
灯火楼台白玉铺，这般禅瑞不如无。谁能断取维摩手，画出元宵踏雪图。
。——胡仲弓《元宵雪》
6.
元宵争看采莲船，宝马香车拾坠钿；风雨夜深人散尽，孤灯犹唤卖汤元。
。——姜白石《诗曰》
7.
六街灯火竞喧喧，长笛短箫声沸天。老子故无儿女态，一灯清焰称高眠。
。——孙承恩《元夕》

8.
鼓吹喧喧月色新，天街灯火夜通晨。玉皇不赐传柑宴，散与千门万户春。
。——王同祖《京城元夕》
9.
随园一夜斗灯光，天上星河地上忙。深讶梅花改颜色，万枝清雪也红妆。
。——袁枚《随园张灯》
10.
弦管千家沸此宵，花灯十里正迢迢。闲闺蓦地停杯忆，如许春光伴寂寥。
。——杨宛《元夜有感》
11.
乡里儿女十八春，描眉画额点红唇。灯前忽遇城中女，笑指明妆不可人。
。——赵符庚《灯市词》
12.
元宵时雨赏宫梅，恭请光尧寿圣来。醉裹君王扶上替，銮舆半仗点灯回。
。——杨皇后《宫词》
13.
元宵有月更无愁，已是新年第一筹。说与素娥从此去，只须依样做中秋。
。——葛天民《元夕》
14.
淡河斜浸月光浮，看尽青山更倚楼。残烛怕寒元夕夜，小栏杆影伴人愁。
。——释斯植《丙辰元夜》
15.
玉漏铜壶且莫催，铁关金锁彻夜开；谁家见月能闲坐，何处闻灯不看来。
。——崔液《上元夜》
16.
灯月交光照绮罗，元宵无处不笙歌。太平官里时行乐，辇路香风散玉珂

。——朱有燉《元宫词》

17.

惊魂无夜不飞摇，才歇芦笳便管箫。醉里凄然双泪下，岂知今日有元宵。
。——申佳允《元夜口占》

18.

大地春如海，男儿国是家。龙灯花鼓夜，长剑走天涯。——熊亨瀚《客中过上元节》

19.

先生列馆似翘材，惯见琼筵为客开。夜夜元宵日寒食，一春尽可厕邹枚。
。——陈造《寄赵帅三首》

20.

风帘珠翠动纷纷，笑语声喧隔户闻。明月满街天似水，不知何处著行云。
。——瞿佑《看灯词》

21.

箫鼓元宵气象豪，拗晴天意亦风骚。怕渠窗外梅花落，永夜吟声不敢高。
。——许月卿六《箫鼓》

22.

贵客钩帘看御街，市中珍品一时来，帘前花架无行路，不得金钱不肯回。
。——姜白石《诗曰》

23.

元宵灯火照楼台，车马骈骈去又来。田郎试向楼上望，灯前好个阿孩孩。
。——田太靖《上元》

24.

古来灯火盛维扬，今岁元宵乐未央。只欠明皇拥仙仗，彩云高处舞霓裳。
。——赵师宰《元夕》

25.

中山孺子倚新妆，郑女燕姬独擅场。齐唱宪王春乐府，金梁桥外月如霜。
。——李梦阳《汴京元夕》

26.

阖闾城里又元宵，白屋残灯照寂寥。却忆旧时风景好，琉璃光里听笙箫。
。——朱应辰《元夕》

27.

火树银花巧斗明，笙歌声沸满春城。月华西转星河澹，犹有香车取次行。
。——汤珍《元夕》

28.

从昔遨游盛两川，充城人物自骈阗。万家灯火春风陌，十里绮罗明月天。
。——邵伯温《元夕》

29.

姨儿姘子此门谁，问着前门佯不知。笼手触门心暗喜，郎边不说得钉儿。
。——蔡士吉《元宵曲》

30.

今年元夜时，月与灯依旧。不见去年人，泪湿春衫袖。——欧阳修《生查子·元夕》

31.

闹蛾斜插，轻衫乍试，闲趁尖耍。百年三万六千夜，愿长如今夜。——杨无咎《人月圆·其二》

32.

月明如昼好元宵，歌管楼台景色饶。鹤舞琴声相应答，梅花清福共谁消。
。——许月卿《月明》

33.

元宵灯火出游敖，斗巧争妍照彩鳌。官府只知行乐好，谁知点点是民膏

。——王迈《元宵灯》

34.

袿服华妆着处逢，六街灯火闹儿童。长衫我亦何为者，也在游人笑语中。
。——元好问《京都元夕》

35.

去年元夜时，花市灯如昼。月上柳梢头，人约黄昏后。——欧阳修《生查子·元夕》

36.

桥前巧匠剪春罗，桥上亭亭景物和。明夜元宵一团玉，连波还解似金波。
。——孙应凤《双桂桥》

37.

细雨春灯夜色新，酒楼花市不胜春。和风欲动千门月，醉杀东西南北人。
。——李梦阳《汴中元夕》

38.

月色灯山满帝都，香车宝盖隘通衢。身闲不睹中兴盛，羞逐乡人赛紫姑。
。——李商隐《观灯乐行》

39.

村南村北此宵同，好景难消一老翁。在处恐妨年少乐，踏歌归去月明中。
。——陈宪章《元夕》

40.

桂花香馅裹胡桃，江米如珠井水淘。见说马家滴粉好，试灯风里卖元宵。
。——符曾《上元竹枝词》

本文链接：<https://duanjuziku.com/duanjuzi/fj9oktw7cg.html>